



«ՆՈՐ ՍԵՐՈՆՆԴ»
ՄԱՐԴԱՍԻՐԱԿԱՆ ՀԿ

«NEW GENERATION»
HUMANITARIAN NGO

ԺԱՄԱՆԱԿԻՆ ՀԱՄԱՔԱՅԼ

17 ՀՈՒՆԻՍ 2016

Սույն ամսագիրը լույս է տեսնում յուրաքանչյուր ամիս, որն արտացոլում է տվյալ ամսում «Նոր Սերունդ» Մարդասիրական ՀԿ-ի կողմից իրականացված գործունեության համապարփակ նկարագիրը:



**«ՄԱՐԴՈՒ ԻՐԱՎՈՒՆՔՆԵՐԻ ԵՎ ԽՏՐԱԿԱՆՈՒԹՅԱՆ ԱՐԳԵԼԻ ԴԱՍԸՆԹԱՑ»
ՔԱՂԱՔ ԻՋԵՎԱՆՈՒՄ**



«Նոր Սերունդ» Մարդասիրական ՀԿ-ն «Մարդու իրավունքները հանուն բազմազանության և հավասարության» ծրագրի շրջանակներում 2016 թ.-ի հունիսին իջևանում կազմակերպել է «Մարդու իրավունքներ, հանդուրժողականություն և խտրականության արգելք» թեմայով դասընթաց, որին մասնակցել են ներկայացուցիչներ Տավուշի մարզպետարանից, Իջևանի զբաղվածության

տարածքային կենտրոնից, Քաղաքացիական երիտասարդական կենտրոնից, թիվ 5 հիմնական դպրոցից, վարժարանից, «Հուլիսի կամուրջ» հկ-ից և ուսանողներ Տավուշի տարածաշրջանային պետական քոլեջից, Եվրոպական կրթական տարածաշրջանային ակադեմիայի Իջևանի մասնաճյուղից, Եվրասիա միջազգային համալսարանի Իջևանի խորհրդատվական կենտրոնից: Մասնակիցները մեծ ոգևորությամբ են մասնակցել դասընթացին, քանի որ, ինչպես իրենք են նշել, թեմաները ուսուցողական են, արդիական և միանշանակորեն նպաստում են իրազեկվածության մակարդակի բարձրացմանը: Նրանք նաև առաջարկել են, որ նմանատիպ դասընթացները հաճախակի կազմակերպվեն ոչ միայն Իջևանում, այլ նաև մարզի մյուս քաղաքներում, և անդրադարձ կատարվի այնպիսի թեմաների, ինչպիսիք են գենդերային հարցերը, կանանց նկատմամբ բռնությունը, սեռական փոքրամասնությունների իրավունքները: «Եթե այս ստացած օրենքներով շարժվենք, ամեն ինչ կլինի արդար և գեղեցիկ: Թող որ ամեն ինչ գործի օրենքով», - դասընթացի գնահատման թերթիկի վրա գրել է մասնակիցներից մեկը:

Դասընթացավարներ Արթուր Մակարյանը և Արայիկ Չալյանը ներկայացրել են «Մարդու իրավունքներ», «Խտրականության արգելք», «Խոսքի և տեղեկատվության ազատություն» և «Անտելության խոսք» թեմաները:

Ստացած տեսական գիտելիքների հիման վրա մասնակիցները նախ «Իրավունքի շնորհում» ինտերակտիվ խաղի միջոցով միմյանց իրավունքներ են շնորհել, ինչն օգնել է հիմնովին անդրադառնալ «Մարդու իրավունքների համընդհանուր հռչակագրին» և «Մարդու իրավունքների եվրոպական կոնվենցիային»: Այնուհետև խմբերով քննարկել են մարդու իրավունքների խախտման



դեպքերին առնչվող իրավիճակային խնդիր և պետություն ու դիմումատու կողմերի բաժանվելով փորձել են ինքնուրույն պարզել, թե արդյոք դիմողի նկատմամբ առկա է եղել խտրական վերաբերմունք, և ինչպես է այն լուծվել Մարդու իրավունքների եվրոպական դատարանի կողմից: Նաև սովորել են հայցադիմում կազմելու և դրա դեմ պատասխան ներկայացնելու: Ինչպես նաև տեղեկատվության մասին հարցում կազմելու հմտությունները, իրավիճակին խնդիրների հիման վրա կազմակերպել են դատախազ և ներկայացնելով դատարան, բողոքաբեր և պատասխանող կողմերը՝ պարզել և հիմնավորել են, թե առաջադրված խնդիրներում արդյոք առկա են ազատ խոսքը սահմանափակելու հիմքեր: Ավարտին մասնակիցներին շնորհվել են մասնակցության վկայականներ



«ԲՅՈՒՋԵՏԱՅԻՆ ԶԱՏԱԳՈՎՈՒԹՅՈՒՆ ԵՎ ՀԱՄԱՐԺԵՔ ՆԵՐԴՐՈՒՄԱՅԻՆ ԳՆԱՀԱՏՈՒՄ» ԱՇԽԱՏԱՆՔԱՅԻՆ ՀԱՆԴԻՊՈՒՄ



«Նոր Մերունդ» Մարդասիրական Հասարակական Կազմակերպության նախագահ Մերգեյ Գաբրիելյանը 2016 թվականի հունիսի 21-23-ը, մասնակցել է Կիևում կազմակերպված «Բյուջետային ջատագովություն և համարժեք ներդրումային գնահատման, գերակայությունների կանխարգելման ծրագրերի վերաբերյալ Միավ Վարակի հետ կապված ախտորոշում, բուժում և խնամք» թեմայով աշխատանքային հանդիպմանը: Հանդիպումն իրականացվում է Եվրասիական վնասի նվազեցման ցանցի տարածաշրջանային երկու ծրագրով:

1. «Համագործակցություն Արևելյան Եվրոպայում և Կենտրոնական Ասիայում հանուն ՄԻՎՎ վարակին առնչվող ծառայությունների հավասար հասանելիության», որն իրականացվում է Արևելյան Եվրոպայի և Կենտրոնական Ասիայի ՄԻՎՎ-ով ապրող մարդկանց միության, Եվրասիական վնասի նվազեցման ցանցի համագործակցությամբ, ՁԻԱՀ-ի, տուբերկուլոզի և մալարիայի դեմ պայքարի Գլոբալ Հիմնադրամի կողմից ֆինանսավորվող Նոր մոդելի շրջանակներում:

2. «Առողջությունը կարելի է գնել փողով, եթե այն ներառում է միջոցներ» Եվրոպական վնասի նվազեցման ցանցի գլխավորությամբ» և Ռոբերտ Կարրի կողմից հովանավորվող ֆոնդով՝ քաղաքացիների համախմբման ցանցի աջակցությամբ: Ծրագիրն իրականացվում է երեք կազմակերպություններով:

- Եվրասիական վնասի նվազեցման ցանց
- Արևելյան Եվրոպայի և Կենտրոնական Ասիայի ՄԻՎՎ – ով ապրող մարդկանց միություն
- Տղամարդկանց առողջության Եվրասիական կոալիցիա



Աշխատանքային հանդիպման նպատակն է՝ մասնակիցներին ծանոթացնել տարածաշրջանային ծրագրերի նպատակների և խնդիրների հետ, համաձայնեցնել կանխման, ախտորոշման, ՄԻՎՎ-վարակի բուժման և խնամքի ծառայությունների բյուջեի հավաքագրման և վերլուծման հետագա աշխատանքները, ինչպես նաև ՄԻՎՎ-ի հետ կապված ֆինանսավորման ծառայությունների գործընթացների համատեղ աշխատանքի նախաձեռնման և կազմակերպման համար համագործակցության խմբի ձևավորում:

Աշխատանքային հանդիպման երեկվա և այսօրվա ընթացքում քննարկվել են այնպիսի թեմաներ, ինչպիսիք են՝

Եվրասիական վնասի նվազեցման բյուջեի մոդելի պաշտպանություն, Ինչպիսի փաստարկներ են պետք բյուջեի արդյունավետության համար, փաստերի հավաքագրում և սպեցիֆիկ խնդիրների հետազոտություններ երկրներում և այլն: Նախատեսվում է նաև քննարկել՝ դրամաշնորհային կառավարում, ժամկետներ, անձնակազմ, գնումներ, հաշվետվություններ, առաջին տարվա աշխատանքային պլանի կառուցվածք, սպասվող արդյունքները և ծրագրային հաշվետվություն: Այնուհետև նախատեսվում է արդյունքների քննարկում:

Հանդիպմանը մասնակցում է նաև կազմակերպության գործընկեր «Իրավունքի Կողմ» Իրավապաշտպան ՀԿ ներկայացուցիչ Արա Մելքունյանը:

«Նոր Մերունդ» Մարդասիրական և «Իրավունքի Կողմ» ՀԿ-երը 2016թ.-ի հուլիս ամսից մեկնարկելու են «Առողջությունը հնարավոր է գնել, եթե առկա են ռեսուրսներ» ծրագրի տեղական գործողությունները, որոնց մասին առավել մանրամասն տեղեկատվությունը կիրապարակվի շուտով:



«ՆԵՐՔԻՆ ԿԱՌԱՎԱՐՈՒՄ ԵՎ ՂԵԿԱՎԱՐՈՒՄ» ԴԱՍԸՆԹԱՑ



«Նոր Սերունդ» Մարդասիրական ՀԿ-ի աշխատակիցներ Արթուր Մակարյանը և Նարե Հովհաննիսյանը 2016 թ.-ի հունիսի 22-23-ը մասնակցել են «Ներքին կառավարում և ղեկավարում» թեմայով երկօրյա դասընթացին, որը իրականացրել է «Բիզնեսի աջակցման կենտրոն»-ը «Առողջապահություն, ֆինանսներ և կառավարում» ծրագրի շրջանակներում: Դասընթացի նպատակն էր ծրագրում ընդգրկված ՀԿ-ների օժանդակություն ցուցաբերել և գիտելիքներ հաղորդել անձնակազմի և կազմակերպության ներքին կառավարման վերաբերյալ:

Երկու օրերի ընթացքում քննարկվել են այնպիսի թեմաներ, ինչպիսիք են՝ ՀԿ կառավարում, ռազմավարական կառավարում և մշակում, ռազմավարական գործընթաց, ՀԿ-ների SWOT, PESTLE և Field Force վերլուծություններ, անձնակազմի կառավարում, հարցազրույցի դերը, աշխատանքի արդյունավետ կազմակերպում, աշխատանքի կատարողականի չափում, աշխատանքային ձեռնարկի մշակում և բովանդակություն:

«ԲԱԶՄԱԶԱՆՈՒԹՅՈՒՆ 2016» ԼՐԱՏՎԱԿԱՆ ՄՐՑՈՒՅԹ



«Նոր Սերունդ» Մարդասիրական ՀԿ-ն հայտարարում է ԼԳԲՏԻ անձանց հարցերին առնչվող «ԲԱԶՄԱԶԱՆՈՒԹՅՈՒՆ-2016» ամենամյա լրատվական մրցույթ: Նպատակը՝ միավորել ՉԼՄ-ների ներկայացուցիչների ներուժը ԼԳԲՏԻ անձանց հիմնախնդիրների լուսաբանման շուրջ և խրախուսել ոլորտի հիմնահարցերը բարձրաձայնող լրագրողներին: Մրցույթին կարող են մասնակցել Երևանի և մարզերի լրատվամիջոցների ներկայացուցիչներն ու անկախ

լրագրողները:

Մրցույթի մասնակցության չափանիշներն են.

- ✓ Անհրաժեշտ է ներկայացնել 2016 թվականի հունվարից 1-ից մինչև 2016 թվականի հոկտեմբերի 31-ը ներառյալ ԼԳԲՏԻ թեմաներով պատրաստած հեռուստահաղորդումներ, ռադիոհաղորդումներ, մամուլի հրապարակումներ և ինտերնետային պարբերականներում ներկայացված լրագրողական նյութեր,
- ✓ Նյութերում պետք է պահպանված լինեն լրագրողական էթիկան և հեղինակային մոտեցումը,
- ✓ Նյութի բովանդակությունը պետք է լինի հանրությանը մատչելի
- ✓ Ընտրված թեման պետք է լինի սպառիչ և հարցի շուրջ պարունակի համակողմանի տեղեկատվություն
- ✓ Նյութերը պարտադիր պետք է լինեն հայերեն (անգլերեն տարբերակը՝ ըստ ցանկության):

Ոլորտի մասնագետներից և լրագրող-փորձագետներից կազմված ժյուրին կընտրի մրցանակակիրներին, որոնք կպարգևատրվեն դրամական մրցանակներով:

Մրցույթի հաղթողը կստանա դրամական պարգև՝ 100,000 / մեկ հարյուր հազար/ ՀՀ դրամ:

Ժյուրիի համակրանքին արժանացած ևս 2 նյութ կարժանանան խրախուսական մրցանակների: Մասնակցության համար անհրաժեշտ է լրացնել դիմում հայտ, որը կարող եք ներբեռնել ngngo.net կայքից:



**ՄԱՄՈՒԼԻ ԱՍՈՒԼԻՍ «ԱԶԱՏԱԶԵՐԿՎԱԾ ԱՆՁԱՆՑ ԻՐԱՎՈՒՆՔՆԵՐԻ
ՊԱՇՏՊԱՆՈՒԹՅՈՒՆԸ ՀԱՅԱՍՏԱՆՈՒՄ. 2016 ԹՎԱԿԱՆԻ ԱՌԱՋԻՆ 6 ԱՄԻՍՆԵՐԻ
ԱՄՓՈՓՈՒՄ» ԹԵՄԱՅՈՎ**



2016 թվականի հունիս 28-ին ՀՀ արդարադատության նախարարության քրեակատարողական հիմնարկներում և մարմիններում հասարակական վերահսկողություն իրականացնող հասարակական դիտորդների խումբը «Մեդիա կենտրոն»-ում մամուլի ասուլիս էր հրավիրել «Ազատագրված անձանց իրավունքների պաշտպանությունը Հայաստանում. 2016 թվականի առաջին 6 ամիսների ամփոփում» թեմայով:

Մամուլի ասուլիսին մասնակցել են ՀՀ ԱՆ քրեակատարողական հիմնարկներում վերահսկողություն

իրականացնող հասարակական դիտորդական խմբի նախագահ Արայիկ Չալյանը, դիտորդներ Ռոբերտ Ռևազյանը, Ռուբեն Սարգսյանը, Սերգեյ Գաբրիելյան և Արա Ղարազյոզյանը:

«Նոր Սերունդ» Մարդասիրական ՀԿ-ի նախագահ Սերգեյ Գաբրիելյանն անդրադարձել է մասնավորապես ԶԿՀ-երում առկա և շարունակվող խտրական մոտեցումներին և առավել խոցելի խմբերի պահման պայմաններին: «Խոցելի խմբերը քրեական օրենքների և գողական օրենքների չենթարկվող խմբերն են, առողջական խնդիրներ ունեցող անձինք, նույնասեռականները, թմրամիջոցներ օգտագործողները կամ կամ մեթադոնային բուժում ստացող անձինք, որոնք առավել հաճախ են ենթարկվում խտրականության», - նշել է Ս. Գաբրիելյանը: Խումբն ունի հստակ միջոցներ, առաջարկություններ պատկան մարմիններին, բայց Արդարադատության նախարարության և այլ մարմինների կողմից իրականացվող փոփոխություններն այնքան չնչին են, որ չեն բերում նշված խմբի անձանց խնդիրների լուծմանը ԶԿՀ-ներում: «Կարելի է նաև արձանագրել, որ որոշ հարցերի լուծում իր մեջ ներառում է խտրական վերաբերմունք խոցելի խմբերի նկատմամբ: Եթե անձը նույնասեռական է, ներարկային թմրամիջոց օգտագործող է, հաշմանդամություն ունի, ապա նրանց խնդիրն այնքան էլ կարևոր չէ: Եվ այս խմբերի նկատմամբ խտրականությունը ավելի ծայրահեղ ձևով է արտահայտվում ԶԿՀ-ներում:»



Ներկայացվել է նաև նշված ժամանակահատվածում Դիտորդական խմբի կատարած այցելությունների ամփոփ տեղեկատվությունը: Ընդհանուր առմամբ խումբը կատարել է 57 այցելություն, որի ընթացքում աշխատել է 88 դատապարտված կամ կալանավորված անձանց հետ: Այցելությունները հիմնականում կատարվել են ահազանգերի և հրապարակումների հիման վրա: Այցելությունների 57 տոկոսը կատարվել է Նուբարաշեն քրեակատարողական հիմնարկ, Արմավիր, Աբովյան, Վարդաշեն, Կոշ և Սևան ԶԿՀ-ներ և Դատապարտյալների հիվանդանոց: Հիմնական խնդիրներն առնչվել են բուժսպասարկմանը, քրեական գործի ընթացքին, վաղաժամկետ որոշումներին, ինքնավստահության և ինքնասպանության դեպքերին, հացադուլներին և սննդի հետ կապված խնդիրներին, որոնց մի մասը լուծում ստացել է, իսկ մյուս մասի ուսումնասիրությունն ընթացքի մեջ է:



Հրաչյա Գևորգյանի գործին, այնուհետև բուժապասարկման հասանելիությանը և որակին անդրադառնալով՝ Արայիկ Չալյանը նշել է, քրեակատարողական հիմնարկներում համակարգային որևէ խնդիր չի լուծվել, ինչը հնարավոր կլինի միայն քաղաքական կամքի առկայության պարագայում:

Արա Ղարազյոզյանը ներկայացրել է հունիսի 12-ին «Նուբարաշեն» քրեակատարողական հիմնարկում տեղի ունեցած միջադեպը և ԲԿՀ աշխատակիցների կողմից կիրառված հատուկ միջոցները, իսկ ԲԿԻ-ների ոչ

կանոնադրական և հիերարխիկ հարաբերությունների մասին խոսել է Ռոբերտ Ռևազյանը: Ասուլիսի ավարտին Գաբրիելյանը նշել է, որ քրեական օրենքների առկայությունը խոչընդոտում է Դիտորդական խմբի աշխատանքներին նաև կալանավորվածների կողմից առկա հիմնախնդիրների մասին բարձրաձայնելու տեսանկյունից, քանի որ կա վախի մթնոլորտ: Արդյունքում Դիտորդական խումբը բազում պատնեշների է հանդիպում, սակայն պայքարն ավելի արդյունավետ կլինի, եթե այն լինի երկկողմանի՝ Դիտորդական խմբի և կալանավորների ու դատապարտյալների համագործակցությամբ:

ԱՇԽԱՏԱՆՔԱՅԻՆ ՀԱՆԴԻՊՈՒՄ «Խտրականության արգելք և մարդու իրավունքների պաշտպանության մեխանիզմների կիրառում»» ԹԵՄԱՅՈՎ



2016 թվականի մայիսի 1-ից իրականացվում է «Առավել շատ տեղեկատվություն, առավել քիչ խտրականություն. ԲԿԿ-ների և խոցելի խմբերի կարողությունների զարգացում և հզորացում» ծրագիրը: Որը ֆինանսավորվում է Բաց Հասարակություն Հիմնադրամներ - Հայաստան ֆոնդերի կողմից: Ծրագրի նպատակն է խտրականության ենթակա խմբերի տեսանելիությունը մեծացնել և բերել նրանց առաջնագիծ: Այս ընթացքում ստեղծվել են աշխատանքային խմբեր և կազմակերպվել են

աշխատանքային հանդիպումներ հետևյալ հասարակական կազմակերպությունների հետ:

- «Ունիսոն» ՀԿ-ի կողմից
- «Նոր Սերունդ» Մարդասիրական ՀԿ-ի կողմից
- «Ազաթ» ՀԿ-ի կողմից
- «Համագործակցություն հանուն ժողովրդավարության»ՀԿ-ի կողմից
- «Իրական աշխարհ, իրական մարդիկ» ՀԿ-ի կողմից
- Հելսինկյան քաղաքացիական ասամբլեայի Վանաձորի գրասենյակի կողմից

Հուլիս ամսվա ընթացքում նախատեսվում է ապահով տարածքների ստեղծման միջազգային փորձի ուսումնասիրություն: Ենթադրամաշնորհների տրամադրում շահառու խմբերին: Հաղորդակցության խմբի հետ մշակել և որդեգրել ապահով տարածքների չափանիշներ հայ քաղհասարակության համար:

Ծրագրի շրջանակներում արդեն իրականացվել են մի շարք միջոցառումներ, դրանցից է նաև հունիսի 10-ին Երևանում Աշխատանքային հանդիպում/վարժանքը, որի նպատակն էր զարգացնել հասարակության թիրախային խմբերի կարողություններն ու բարձրացնել նրանց իրազեկվածության մակարդակը խտրականության,





վերջինիս դեմ պայքարի կարևորության ու հետևանքների մասին: Ինչպես նաև մասնակիցներին ծանոթացնել խտրականության հասկացության հետ, նրա տեսակների, խտրականության դեմ եվրոպական օրենքի համատեքստի և հիմնական սկզբունքների հետ: Կարևոր նպատակ էր հանդիսանում աշխատանքային հանդիպում/վարժանքի ժամանակ նաև ՀՀ-ում խտրականության դեմ օրենքի ընդունման անհրաժեշտության հարցի քննարկումը: Աշխատանքային հանդիպում/վարժանքի ընթացքում մասնակիցները ծանոթացան «ՀՀ-ում խտրականության դեմ օրենքի ընդունման անհրաժեշտությունը», «Պետության օրինական պարտավորությունները խտրականության դեմ պայքարում» թեմային, «խտրականության արգելքը՝ որպես մարդու իրավունքների հավասար պաշտպանության երաշխիք» և այլ թեմաներով:

Աշխատանքային հանդիպում/վարժանքի ընթացքում քննարկում եղավ մարդու իրավունքների եվրոպական կոնվենցիայի հոդվածների մասին:

Կազմակերպվեց նաև ինտերակտիվ խաղ՝ դատախաղ, որի նպատակն էր թեմայի շուրջ քննարկված հարցերը, բերված օրինակները, ինչպես նաև ստացված գիտելիքները՝ գործնականում կիրառել, և որի արդյունքում պարզ դարձավ մատուցված նյութի մատչելիությունը:


ԴԱՍԸՆԹԱՑ «ՇԱՀԵՐԻ ՊԱՇՏՊԱՆՈՒԹՅՈՒՆ»



2016 թ.-ի հունիսի 29-30-ը «Նոր Սերունդ» Մարդասիրական ՀԿ-ի աշխատակիցներ Արթուր Մակարյանը և Նարե Հովհաննիսյանը «Բիզնեսի աջակցման կենտրոն»-ի կողմից իրականացված «Շահերի պաշտպանություն» թեմայով դասընթացին, որը կազմակերպվել է «Առողջապահություն, ֆինանսներ և կառավարում» ծրագրի շրջանակներում:

Մասնակիցները նախ ծանոթացել են շահերի պաշտպանության սահմանումներին, շահերի պաշտպանության և այլ կոնցեպտների տարբերություններին: Այնուհետև խմբային աշխատանքների և քննարկումների միջոցով անդրադարձել են շահառու և թիրախ խմբերին, ՇՊ իրականացման մակարդակներին, իրագործման տարբեր ձևերին, տեսակներին, ռազմավարությանը, մարտավարությանը, նախագծմանը, գործողությունների պլանին:

ՀՈՄՖՈՔԻԱՅԻ ԵՎ ՏՐԱՆՏՖՈՔԻԱՅԻ ԴԵՄ ՊԱՅՔԱՐԻ ՄԻՋԱԶԳԱՅԻՆ ՕՐԿԱՆ ԵՎ ԻՐԱՆՏՖՈՔԻԱՅԻ ՄԻՋՈՑԱՌՄԱՆ ԵՎ ՆԵԿՈՒՅՑ



ՄԻՋՈՑԱՌՄԱՆ ՆԿԱՐԱԳԻՐ

«Նոր Սերունդ» Մարդասիրական ՀԿ-ն Հոմոֆոբիայի և տրանսֆոբիայի դեմ պայքարի միջազգային օրվա կապակցությամբ 2016 թ.-ի մայիսի 17-ին կազմակերպել էր «Օրենսդրական փոփոխությունների նախաձեռնություններ՝ ԼԳԲՏԻ անձանց իրավունքների պաշտպանության համար» թեմայով կոնֆերանս, որի նպատակն էր հանրությանը ներկայացնել օրենսդրական այն փոփոխությունների անհրաժեշտությունը, որոնք կնպաստեն ԼԳԲՏԻ անձանց իրավունքների պաշտպանական մեխանիզմների ստեղծմանը և նրանց՝ հասարակության մեջ ինտեգրմանը:

Կոնֆերանսը կազմակերպվել էր Վրաստանում Նիդերլանդների Թագավորության դասպանատան



Ֆինանսական աջակցությամբ իրականացվող «Օրենքի գերակայությունը հանուն փոքրամասնությունների իրավունքների պաշտպանությանը Հայաստանում» ծրագրի շրջանակներում:

ԻՆՔՆԱՊԱՃՏՊԱՆՈՒԹՅԱՆ ԻՐԱՎԱԿԱՆ ԸԱՅԼԵՐ ՆՈՐ ՍԵՐՈՒՆԴ ՄԱՐԴԱՍԻՐԱԿԱՆ ՀԱՍԱՐԱԿԱԿԱՆ ԿԱԶՄԱԿԵՐՊՈՒԹՅԱՆ ԿՈՂՄԻՑ



«Նոր Սերունդ» Մարդասիրական ՀԿ-ն գրություն է ուղարկել ՀՀ Ոստիկանապետ Վլադիմիր Գասպարյանին, որում մասնավորապես ասվում է. «Մենք ունենք մտավախություն, որ Զրիստ Մանարյան օգտատիրոջ կողմից հնչեցված հրապարակային սպառնալիքները և ատելության կոչերը կարող են վերածվել փաստացի իրական գործողությունների, այն է՝ ատելության և խտրականության հիմքով հանցագործությունների: Հարգարժան պ-ն Գասպարյան, խնդրում ենք հիմք ընդունել այս տեղեկատվությունը և տալ իրավական

ընթացակարգ՝ ապահովելով թե՛ կազմակերպության և թե՛ վերջինիս աշխատակիցների անվտանգությունը, ինչպես նաև վերջիններիս ՀՀ Սահմանադրությամբ և օրենքներով երաշխավորված իրավունքների ազատ և անկաշկանդ իրականացումը»:

2016թ-ի մայիսի 30-ին «Նոր Սերունդ» Մարդասիրական ՀԿ նախագահ Սերգեյ Գաբրիելյանը ՀՀ Ոստիկանության Շտաբի պետի տեղակալ պարոն Ա. Սարգսյանից ստացել է թիվ 2/3-2-1953 գրությունը, որտեղ նշված է.

... ՀՀ Ոստիկանության պետին հասցեագրված Ձեր դիմումն ուղարկվել է ՀՀ ոստիկանության Երևան քաղաքի վարչություն՝ հետաքննությամբ հետազոտելու համար. . . :

ՀՈՄՈՖՈՒԲԻԱՅԻ ՆՈՐ ԱԼԻՔ



Հոմոֆոբիայի, տրանսֆոբիայի և բիֆոբիայի դեմ պայքարի միջազգային օրվա առթիվ մայիսի 17-ին «Նոր Սերունդ» Մարդասիրական ՀԿ-ի կազմակերպած «Օրենսդրական փոփոխությունների

նախաձեռնություններ՝ ԼԳԲՏԻ անձանց իրավունքների պաշտպանության համար» թեմայով կոնֆերանսից և այդ օրը այլ ՀԿ-ների կողմից նախաձեռնած միջոցառումներից հետո համացանցում ստեղծվել է ԼԳԲՏԻ անձանց նկատմամբ ատելության խոսք և թշնամանք տարածող կայք՝ <http://stop-g7.com/>, որում հրապարակված նյութերը մի քանի էջերով ու մի խումբ մարդկանց կողմից տարածվում են Facebook-ում: Կայքը երկլեզու է՝ հայերեն և ռուսերեն, և մինչ այժմ այնտեղ հրապարակվել են «Հայաստանում ԱՄՆ դեսպանատունը համասեռամոլություն է քարոզում», «Այլասերվածների և իրենց հովանավորների օպերացիան Հայաստանում», «ՀՀ-ում Մեծ Բրիտանիայի և Գերմանիայի դեսպանների մասնակցությունը այլասերվածների փակ հավաքին» և «Այլասերվածների պաշտպան Լարա Ահարոնյան, «Կանանց ռեսուրսային կենտրոն» ՀԿ-ի նախագահ» հոդվածները հայերեն և ռուսերեն թարգմանություններով, որոնք չեն մեկնաբանվել կայքում, բայց փոխարենը stop-g7.com կաքի և Համահայկական ծնողական կոմիտեի ֆեյսբուքյան էջերում ունեցել են ընդհանուր առմամբ մոտ 366 հավանում, 212 տարածում և 143 մեկնաբանություն:



«Հայոց աշխարհը» մայիսի 28-ին հրապարակել է «Միայն ժողովրդի դիմադրությամբ հնարավոր կլինի կանխել այլասերումների օրինականացումը Հայաստանում» վերնագրով հարցազրույց «Հանուն ինքնիշխանության վերականգնման» նախաձեռնության հիմնադիր անդամ Հայկ Այվազյանի հետ: Այն վերահրապարակվել է <http://armsovereignty.com/> կայքում և տարածվել Հայաստանի և արևմտահայկական ծնողական կոմիտեի էջում և ունեցել մոտ 32 հավանում, 3 տարածում և 2 մեկնաբանություն:

Ի պատասխան՝ LGBTnews.am կայքը հրապարակել է «Հոմոֆոբիայի կեղծ այիթ, կամ ինչու են աղմկում մարզիկները» վերնագրով հոդված, որտեղ հոդվածագիրը փորձել է մեկնաբանել վերոնշյալ հրապարակումների պատճառները:

Ամբողջական զեկույցը կարող եք ներբեռնել ngngo.net կայքից

**«ՎԵՐԱԲԵՐՈՒՄ Ե ԱՆՉԱՄ ՆՐԱՆՑ, ՈՒՄ ԹՎՈՒՄ Ե, ԹԵ ԶԻ ՎԵՐԱԲԵՐՈՒՄ»
ԽՈՐԱԳՐՈՎ ՍԵՄԻՆԱՐ-ՎԱՐԺԱՆՔ ՎԱՆԱՃՈՐ ՔԱՔՂԱՔՈՒՄ**



«...Վերաբերում է անգամ նրանց, ում թվում է, թե չի վերաբերում»

2016 թվականի հունիսի 4-ին ՀՀ Լոռու մարզի Վանաձոր քաղաքում «Նոր Սերունդ» Մարդասիրական Հասարակական Կազմակերպությունն իրականացրեց մեկօրյա սեմինար-վարժանք՝ «ՄԻԱՎ-ի և ՁԻԱՀ-ի կանխարգելումը, ՄԻԱՎ-ի թեստավորման կարևորությունը», «Մարդու իրավունքներ և ՄԻԱՎ» թեմաներով: Սեմինար-վարժանքը կրում էր «...Վերաբերում է անգամ նրանց, ում թվում է, թե չի խորագիրը:

վերաբերում»

Սեմինար նպատակն էր նպաստել ՄԻԱՎ-ի և ՁԻԱՀ-ի կանխարգելմանը 18-30 տարեկան երիտասարդների շրջանում՝ բարձրացնելով նրանց իրազեկվածության մակարդակը և բացահայտելով թեստավորման կարևորությունը ՄԻԱՎ-ի վերաբերյալ, ինչպես նաև բարձրացնել հասարակության իրազեկվածության մակարդակը մարդու իրավունքների, ինչպես նաև ՄԻԱՎ-ով ապրող մարդկանց իրավունքների մասին: Ընթացքում մասնակիցները ծանոթացան ՄԻԱՎ և ՁԻԱՀ տերմինների, ՄԻԱՎ-ի և ՁԻԱՀ-ի տարբերության, փոխանցման ուղիների և կենսական հեղուկների, պահպանակների ճիշտ օգտագործման, ՄԻԱՎ-ի վերաբերյալ հետազոտություն անցնելու կարևորության մասին, այնուհետև ներկայացվեցին մարդու իրավունքները և հիմնարար ազատությունները, մարդու իրավունքների զարգացման փուլերը, ՀՀ կողմից վավերացված միջազգային պայմանագրերը, ինչպես նաև անդրադարձ կատարվեց «ՄԻԱՎ-ից առաջացած հիվանդության կանխարգելման մասին» ՀՀ օրենքի դրույթներին:



Սեմինար-վարժանքն իրականացվեց «ՄԻԱՎ-ի և ՁԻԱՀ-ի կանխարգելումն ու տեղեկացվածության մակարդակի բարձրացումը SUS-ների շրջանում» ծրագրի շրջանակներում, որը ֆինանսավորվում է «Առաքելություն Արևելք» ՍՕԿ հայաստանյան մասնաճյուղի միջոցով, ՁԻԱՀ-ի, տուբերկուլոզի և մալարիայի դեմ պայքարի Գլոբալ Հիմնադրամի ֆոնդերից: